

---

## Theses philosophicae.

**Numéro d'inventaire** : 1980.00014.35

**Auteur(s)** : Jacques Buré

Mathurin Avice

**Type de document** : affiche

**Éditeur** : non renseigné (Caen)

**Imprimeur** : Jacques Ysambart

**Période de création** : 3e quart 18e siècle

**Date de création** : 1761

**Description** : Une feuille. Bords froissés et déchirés par endroit. Coins cornés. Papier froissé à l'endroit des pliures. Estampe dans la partie supérieure.

**Mesures** : hauteur : 465 mm ; largeur : 354 mm

**Notes** : Affiche annonçant les thèses de philosophie que doivent soutenir Jacques Buré et Mathurin Avice au Collège-séminaire des Oratoriens de Caen, le mercredi 14 janvier 1761. Les articles traitent de morale. L'estampe au burin, de médiocre facture, représente deux anges portant chacun une palme, et tenant une couronne d'épine avec les mots "Jésus Maria".

**Mots-clés** : Affiches de thèses et d'exercices publics

**Filière** : Université

**Niveau** : Supérieur

**Autres descriptions** : Langue : Français

Nombre de pages : 1

ill.



# CHRISTO INFANTI THESES PHILOSOPHICÆ.

EX MORALI.

I.

**MORALIS**, seu Ethica, est ea Philosophiæ pars, quæ in dirigendis ad honestatem moralem actibus humanis versatur; & vulgò definitur Prudentia & Scientia practica, actuum humanorum ad honestatem moralem directrix. Cujus proinde objectum totale & adæquatam sunt actus humani, quatenus ad honestatem dirigibiles. Est Ethica naturalis, est & acquisita: hæc, quæ exercitio comparatur, specialia bene vivendi præcepta è primariis & generalioribus deducit; illa generaliora menti exhibet. Cave actum humanum cum actu hominis confundas: prior enim ex deliberatione & consilio fit: posterior verò sine deliberatione.

II.

**PRINCIPIA** actuum humanorum externa sunt. Bonum, finis & beatitudo. Bonum aliud est absolutum, nempe quiddam est in suo genere perfectum; aliud relativum, id omne scilicet quod ad aliud quiddam perfectiendum inservit: hujus essentia in perfectivitate est: Hoc autem bonum triplex vulgò distinguitur; honestum, jucundum & utile: sed jucundum & utile, prout abstracta sunt ab honesto, neque sunt bona neque mala moraliter: nec ullum bonum, nisi sit idem honestum, dici potest proprie & simpliciter utile. Fais est id propter quod aliquid fit vel est. Homo semper agit propter aliquem finem ultimum formaliter; non verò bellæ: nec potest plures simul intendere fines totales simpliciter ultimos. Deus solus est ille finis ultimus, ad quem tenetur homo actiones suas omnes referre. Circa beatitudinem distinguendum est objectum, nempe bonum ultimum perfectivum, quod aliud quam Deus solus, esse non potest; & forma seu ratio quæ fit illa perfectio & quæ variis variæ est, nobis verò videtur in maximum Dei per visionem & amorem fruitione consistere: ac proinde nulla datur naturalis, ut vocant, beatitudo.

III.

**PRINCIPIA** interna actuum humanorum sunt vel congenita vel acquisita. Principia congenita præcipua, seu facultates à Deo concessæ ad operandum, sunt intellectus, voluntas, & appetitus sentiens. Intellectus, ad quem refertur synderesis & conscientia, ea est mentis facultas quæ percipit, & est principium actuum humanorum dirigens. Voluntas verò; quæ eligit & se determinat; & est principium actuum humanorum efficiens, definiti potest, appetitus ille quo ferimur ad amandum bonum in genere. & cuius vi varia bona particularia eligere possumus. Voluntas sub priori respectu considerata, dicitur voluntarium; sub posteriori autem appellatur libertas, seu liberum arbitrium. Voluntas cogi non potest in suis actibus elicitis; merus, etiam gravis, non tollit voluntarium; neque ignorantia, nisi fit antecedens; neque passio, etiam antecedens, dum usum rationis non tollat.

IV.

**LIBERTATE** donari hominem, etiam in statu naturæ lapsæ, certissimum est. Ea libertas, quæ rectè definitur à Divo Thomâ, facultas mediorum electiva servato ordine finis, non in æquilibrio virtutum, nec in voluntario solo consistit; sed in indifferentiâ contraditionis activæ. Eadem circa amorem beatitudinis in genere, circa malum quatenus est malum, circa veritates eas quæ præ se ferunt evidentiam, locum non habet: bene verò, tum circa media diversâ quæ dicunt ad finem, id est circa quælibet bona particularia, tum circa propositiones quibus aliqua est adiuncta obicitur: tum etiam circa ideas & perceptiones, iis scilicet attendendo vel non, pro beneplacito.

V.

**QUANDO** voluntas consideratur quatenus bonum appetens, dicitur Appetitus; qui vel est intellectivus, vel sensitivus, per quem scilicet occasione variorum motuum qui sunt in partibus organicis nostri corporis, ferimur in objecta sensibilia quæ prodesse corpori, vel ea resurgimus quæ nocere possunt. Porro duplex ille distinguitur solet; concupiscibilis & irascibilis. Qui uterque est principium actuum humanorum movens. Ex hoc autem fonte gemino varie scaturiant passiones, seu affectiones illæ speciales, quas occasione variorum in corpore motuum experitur mens humana. Passiones generatim non sunt ex naturâ fit moraliter malæ: sed usus earum legitimus in eo consistit, ut ad justam redigantur modicitatem: si quæ hoc læzo infringi se non patiantur, à peccato, non à naturâ profiunt.

EX MORALI.

VI.

**PRINCIPIA** actuum humanorum acquisita, sunt Habitus, qui frequentis usu repetitivæ actibus comparantur. Ii porro, qui sunt boni vel mali; virtutes nempe vel vitia, sunt principium actuum humanorum adjuvanti. Virtus generatim est habitus inclinans ad bonum, vitium verò ad malum. Virtutes morales in statu sunt & casualiter & formaliter: sunt inter se connexæ & concatenatæ in statu tum herotico, tum medio. Est sua virtuti pars superior, est & inferior; hæc famulari vitio etiam potest, illa nunquam; liquidem nihil aliud est, quam constantis & firmus amor ordinis. Dividuntur virtutes in secundarias & primarias seu Cardinales: harum numerus merito admittitur quaternarius, nempe prudentia, justitia, fortitudo, & temperantia.

VII.

**PRUDENTIA** est habitus verâ cum ratione activus circa ea quæ bona sunt moraliter vel mala. Justitia, seu constantis & perpetua voluntas jus suum cuique tribuendi, est vel Commutativa, quæ æqualitatem in commutationibus & contractibus præscribit; vel Distributiva, quæ præmia & penas pro meritis vel demeritis personarumque conditione decernit. Volenti injuria fieri non potest. Juxta tenetur judicare secundum allegata & probata, etiam in causâ capitali, si sententiam ferat: at tenetur à ferendâ sententiâ abstinere, aut etiam magistratum abdicare potius, quam in causâ capitali condemnare innocentem. Ultra tum legi naturali, tum legi divinæ adversatur. Fortitudo modum præscribit timori & audaciæ: magis inpropensio quam in proelio, in defensione quàm in aggressionem elucet: à suicidio autem certamineque singulari, quod duellum vocant, prorsus abhorret. Temperantia denique modum ponit sensuum voluptatibus.

VIII.

**PROPRIETATES** actuum humanorum, si ad absolutas spectes, sunt eorumdem actuum in se ipsis spectatorum affectiones; & duæ númerantur: voluntarium & libertas, de quibus supra. Relativæ habent ordinem ad regulas morum; & duæ sunt pariter: bonitas & malitia. Bonum quippe malum morale est naturâ suâ, non ex opinione tantum differunt. Malitia est actus humani cum morum regulis difformitas; & consistit in solâ privatione rectitudinis debite. Bonitas verò, quæ nihil aliud est quam conformitas actus humani cum iisdem regulis, repetenda est ab objecto, sine & circumstantiis simul conjunctis: ita ut non dentur actus indifferentes in individuo.

IX.

**REGULA** actuum humanorum sunt lex & conscientia. Nunquam licet agere contra conscientiam; nec semper juxta conscientiam. Si illa sit dubia, aut momentis utrinque librata æquè probabilibus, aut etiam hinc vel inde probabilioribus, ubi scilicet agitur de jure naturali; hoc triplici in casu pars tutior est eligenda. In materiâ verò juris positivi nec ad legem naturalem ullatenus spectante, si pars alterutra sit probabilior, probabiliori adhaerendum est. Si autem serupulis anxia labore conscientia, eos prius cura exequiendos, quam agas. Lex duplex; Naturalis, nam talis existit, quæ immutabilis est nec patitur dispensationem, & cuius præcepta, saltem primaria, ignorari invincibiliter non possunt; & lex positiva, quæ definitur ordinatio rationis ad bonum commune ab eo qui curam habet societatis lata. Huic, ut actu obliget, essentialis est promulgatio, justitia, honestas & in observatione possibilitas. Dividitur in divinam & humanam: humana rursus in Ecclesiasticam & Civilem.

X.

**HINC** officia profiunt. Officia autem hominis ad tria capita revocari possunt: nempe officia erga Deum, erga seipsum, & erga alios seu proximum. Quæ ad Deum spectant, in hoc uno continentur præcepto; *Dilige Dominum Deum tuum ex toto corde tuo*, &c. Officia verò hominis, tum in se ipsum, tum in proximum in hoc altero includuntur: *Dilige proximum tuum sicut te ipsum*: Ex quo liquet hominem teneri se diligere, sed dilectione ordinatâ. Quæ omnia Theologis Moralibus enucleanda fusiufque disputandâ relinquimus.

Hæc Theses, Deo duce & auspice Dei-para, tueri conabuntur JACOB. BURÉ, Clericus, Cenoman. MATHURIN. AVICE, Conviçt. Cenoman. In Aula Collegii Seminarii Cenomanen. Sacerdotum Oratorii Domini JESU, Die Mercurii 14. Januarii, Anno 1761. Horâ post meridi. secundâ

CENOMANI, Ex Typis JACOBI YSAMBART, Collegii & Civitatis Typographi, In Compito Sirenis.